

Ainda por inscribi pa participa cu bo pelicula di duracion cortico den e ASFF'2015

E aña aki atrobe amantenan di pelicula lo wordo malcria cu un tremendo festival di pelicularnan cu duracion di menos cu 15 minuut. E Aruba Short Film Festival 2015 lo ta di dia 2 te cu 5 di september y tin e aña aki dos categoria: categoria Hubentud di 12 pa 18 aña y categoria Adulto di 19 aña bay ariba.

Reglanan pa participacion:

Categoria hubentud (12 te cu 18 aña)

- Min. 3 minuut, maximo. 15 minuut. (inclui. titulo y credits)
- Tema: Nos cultura y custumber
- Genero: Liber (Experimental/drama/thriller etc.)
- Productor: no por ta mas bieu cu 18 aña
- Actornan: min. 80%

mucha/ hoben

· Idioma: Papiamento
Pelicularnan produci pa e seccion hubenil, mester ta den e mundo di hoben, cu un storia hubenil, sin uzo di palabranan malo, situacionnan sexual of violento. Un minimo di violencia por ta aceptabel si esaki ta necesario pa capta e mensahe of duna mas forza na e storia. Partinan cu huradonan ta haya mucho cruel, sangramento of ofensivo, por wordo saca for di e pelicula, despues cu a avisa e productor.

Categoria adulto (19+)

- Min. 3 minuut, maximo. 15 minuut (inclui. titulo y credits)
- Tema: Liber
- Genero: Liber (Experimental/drama/thriller etc.)
- Productor: edad mester ta 19+
- Actornan: min. 80%

adulto

· Idioma: Papiamento
Pa e pelicula participa na ASFF'15 no por a competi den Aruba Short Film Festival 2014, ni den otro festival.



valnan di pelicula internacional, tampoco e pelicula por a wordo pasa den cinema, of a wordo comparti via FB of Youtube. Ora cu entrega e pelicula na comision ASFF'15 no por reproduci, ni pasa esaki di ningun forma na ningun publico, te diado-

mingo 6 di september 2015. E pelicula mester wordo entrega den duplo (2X) na Wilhelminastraat 27 of Pos Chikito 78 y por wordo entrega riba USB, DVD of via e-mail (FTP- formato).

Por cuminsa inscribi pa competi te cu dia 31 di juli 2015 pa 6pm, sea personalmente, via e-mail of via facebook of e website di Aruba Short Film Festival www.arubashortfilmfestival.com.

E premionan lo ta fantastico: fuera cu lo inscribi e pelicularnan ganado pa participa na diferente short film festival internacional, e.o. na esun di Cannes na Francia, e ganadonan lo wordo hiba New York pa un siman cu tur gasto paga pa atende cursonan na e renombra New York Film Academy. Pa mas informacion, bishita nos FB-page of nos website. □

Riba 50% di teenager

Casonan serio di Sugar Daddy y Lover Boy ta sosode na Aruba



ORANJESTAD – Recientemente a keda presenta pa Wit Gele Kruis Aruba (WGK) un propaganda pa television cu lo bay cuminsa pasa pa asina haci e mayornan consciente riba casonan cu ta pasando na Aruba pa loke ta e fenomeno di “Sugar Daddy y Lover Boy”. Director di WGK Aruba Gino Goeloe ta splica.

“Sugar Daddy y Lover Boy ta algo cu a bin ta constata pa basta tempo. Ora cu wak e cifra di mamanan ho-

ben, por mira cu e cifranan ta bahando, pero e espacio entre edad di e muchanan aki y hendenan homber ta birando mas y mas grandi. Ta papia di hende homber riba edad di 40 aña cu mucha muhe di 13 of 14 aña. E diferencia di edad ta mucho grandi pues kier educa comunidad y mayornan pa wak e propaganda pa nan ta consciente cu e cosnan aki ta pasando na Aruba. E dos propagandan aki (den total lo tin 4) ta ilustra e bida real cu ta pasa eyfo. Pues traha cu escena real,” Sr. Goeloe a enfatiza.

Idea/ concepto di e propaganda Den e caso aki Monique Giel – Labad y Mariela Solognier a wak e problemanan cu tin y a traha e propagandan basariba e situacion real na Aruba. Cu storianan cu hobennan mes a conta entre otro. Actualmente ta pasando esaki den cinema na Renaissance y tambe ta bay pasa esey den medionan di comunicacion pronto.

Facebook

Algo cu WGK a wak ta cu Facebook ta popular y ta unda cu e hende homber ta busca contacto hopi biaha cu e muchanan jong aki. Tin hopi muchanan jong cu ta cay den e trampa aki cual nan lo wordo ilustra den e propagandan aki. “P’esey a bisa cu no pro laga esaki pasa mas. Cifranan ta bahando di mamanan hoben cual ta di duna danki na tur fundacion partner cu ta yuda den esaki pa traha hunto y evita e senonan aki.” A puntra Sr. Goeloe kico ta e enfoke exactamente cu e propagandan. WGK a bisa cu esaki ta pa tur edad y ta pone enfoke riba hobennan y pa hala atencion di mayornan riba kico a pasando eyfo, Sr. Goeloe a indica.

Atento riba muchanan

A bin demostra cu muchanan ta mas cu 80 riba nan “gadgets” pues como mayor mester ta atento pa wak kico nan ta haciendo cun’e. Como mayor bo mester por coy telefon pa wak kico bo yiu ta haci y cu ken e ta papia. “Hopi biaha mayornan ta pensa cu nan no kier haci esey y ta privacidad

di nan yiu, pero e hecho ta cu nos ta responsabel pa nos yiunan y mester stop di kier ta amigo di nos yiunan y mester ta un mayor pa nos yiunan y para fuerte bisa kico por y kico no por,” director di WGK a enfatiza.

Ley

Riba pregunta di te unda e ley pa cu e “Sugar Daddy y Lover Boy” ta yega y con ley por trata esaki si un mayor constata su yiu ta den man di sea un “Sugar Daddy y Lover Boy”. Sr. Goeloe a bisa lo siguiente: “Tin ley pero e ley ta indica cu e mucha hoben mester entrega keho na polis, cual a ripara cu no ta pasa. Dicon esaki no ta pasando ta, pasobra e Sugar Daddy ta cria e mucha y famia. Pues si core cun’e, ta core cu e entrada di e cas cu ta paga huur, paga auto y cuminda etc. cual ta casonan cu WGK ta atende cun’e.”

Meta: conscientisacion

E meta di e spot ta pa pueblo y mayornan bira mas consciente di e situacion na Aruba. “Nos por keda papia pero awo mester ilustra kico ta pasando, pasobra manera menciona anterior e ta real y ta pasando awe na Aruba. E situacion ta asina cu ta encera riba 50 por ciento di nos hobennan femenino cu tin “guy” di edad ta mucho mas haltu. Sr. Goeloe a bisa cu e capitulo di “Sugar Mommy” ta menos, pues ta traha riba e problema mas grandi prome. Pero a finalisa bisando pa keda pendiente pasobra e casonan di “Sugar Mommy” tambe ta na caminda. □